

ZAPISNIK

sa 21. sjednice Upravnog odbora
Skijaškog/Smučarskog saveza Bosne i Hercegovine, održane 02.11.2017. godine u 18.00 sati
u prostorijama Ski saveza BiH u Sarajevu

Prisutni: Đelal Hasečić, Miro Đukić, Mario Laikert, Milovan Jevtović, Zdravko Lasica, Ismar Biogradlić i Kenan Jažić članovi Upravnog odbora, Jelena Dojčinović Generalni sekretar, Dragan Jeftović, predsjednik Komisije za ski trčanje.

Odsutni: Jasmin Mehić, Radenko Pekić, Vladimir Lučić i Muris Pozderac

Miro Đukić se zahvalio prisutnima i predložio dnevni red:

DNEVNI RED:

1. Usvajanje zapisnika sa 19. sjednice Upravnog odbora;
2. Usvajanje zapisnika sa 20. sjednice Upravnog odbora (tematska sjednica);
3. Ski trčanje u vezi sa tematskom sjednicom – gost Dragan Jeftović
4. Realizacija zaključaka sa prethodnih sjednica;
5. Stanje računa i pregled troškova po sportovima;
6. Izvještaji komisija za protekli period;
7. Olimpijske igre – ostvarene norme – rok za konačne liste - kriteriji
8. Kalendar takmičenja za sezonu 2017/2018;
9. Cjenovnik Ski saveza BiH za sezonu 2017/2018;
10. Zurich FIS sastanak - Izvještaj
11. FIS Kongres – informacija
12. Dopis SK Ilidža
13. Razno

Dnevni red jednoglasno usvojen.

Ad. 1.

Zapisnik sa 19. sjednice je jednoglasno usvojen.

Ad.2.

Zapisnik sa 20. sjednice je jednoglasno usvojen.

Ad. 3.

Đukić je rekao da su svi članovi UO dobili pismo koje je uputio Dragan Jeftović te pozvao Dragana ako ima još nešto da kaže. Jeftović je rekao da su to bile reakcije na tematsku sjednicu te je naglasio da je stanje i dalje ostalo nedefinisano. Đukić se zatim obratio povodom pisma Dragana Jeftović i to na primjedbu tačka 2. Naglasio je da je tematsku sjednicu trebala pripremiti Komisija za ski trčanje a ne UO i to posebno se osvrnuti na razvoj ski trčanja, planove i perspektivu ski trčanja a ne samo pravilnik. Ono što je komisija dostavila za tematsku sjednicu ski trčanja nije adekvatna priprema. Đukić je naglasio i da je tematska sjednica odlagana jer nije bio pripremljen materijal. Dojčinović je rekla da zadnji put to nije bio slučaj jer nismo imali kvoruma. Dragan Jeftović je rekao da nije shvatio tako pripremu teamske sjednice iako je Dojčinović poslala primjer kako je to uradila Alpska komisija. Zdravko Lasica je rekao da smatra ovo pismo kao lične stavove Dragana Jeftović a on može razmatrati i priznaje samo stavove komisije za ski trčanje, te misli da nismo uopšte trebali reagovati na lično pismo. Lasica Zdravko je naglasio da Pravilnik postoji i to pravilnik o takmičarima i da je nakon prvog kandidaovanja pravilnika o reprezentacijama u ski trčanju njegova tendencija bila samo da

pomogne. Lasica je upravo iz postojećeg prvailnika dopunio predloženi pravilnik i to isključivo želeći da doprinose, a dobio je odgovore na koje nije navikao od Dragana. Podsjetio je članove UO da je još tada donešena odluka da Milovan Jevtović i Zdravko Lasica budu u komisiji u izradi novog pravilnika, i nije u redu da Dragan nije sazvao niti jednom sjednicu kako bi se o istom raspravljalo, ali je nakon toga prozivao u mnogobrojnim dopisivanjima isključivo Lasicu dok nigdje nije niti jednom spomenuo i Milovana Jevtović. Zatim je Lasica što se tiče trenera rekao da je neophodno da se imenuje trener kako ne bi dolazili u situaciju da UO mora odlučivati ko će ići na Svjetsko prvenstvo ili na kamp. Nije u redu da se dopusti da UO odlučuje ko će ići na kamp. Isto tako nije u redu da UO određuje reprezentaciju i da on to neće da radi. Lasica je još jednom naglasio da je i prethodno tražio da se imenuje trener ali je Milovan Jevtović tada rekao da su svi treneri. Zatim je Lasica rekao da takmičari koji imaju dobre bodove treba da idu na velika takmičenja gdje trebaju da potvrde bodove koje imaju, kao što je Svjetski kup. Isto misli na alpince, dok je u biatlonu drugačiji sistem. Još jednom je pitao Dragana zašto na takav način reaguje samo prema njemu a on želi samo da pomogne.

Dragan Jevtović je zatim odgovorio na navode Lasice: sve reakcije gdje se spominje Lasica se odnose i na Milovana Jevtović, Dragan Jevtović je rekao da je bilo do njega da sazove sjednicu po pitanju pravilnika on bi je sazvao, ali kada je došlo vrijeme za to onda je Dojčinović rekla da svakako se trebaju održati tematske sjednice. Đukić je rekao da nije sporan pravilnik već kriteriji i da ne može biti za jednu reprezentaciju različiti kriteriji odnosno bodovi. Jevtović je rekao da je onda to trebalo decidno navesti i da onda on kao predsjednik komisije može podnijeti ostavku jer se ne slaže sa tim. Jevtović smatra da se sve odgađalo kako bi se našlo neko novo rješenje.

Nakon kraće rasprave Jevtović je postavio pitanje kako dalje, koga opremiti i koga voditi na pripreme i takmičenje jer nemamo sredstava za kompletnu A reprezentaciju te ponovo obrazložio prijedlog novih kriterija. Lasica je rekao da se ne slaže ni sa tim prijedlogom niti sa bilo kojim drugim kao npr. prijedlogom Đukića već da A reprezentacija treba da budu takmičari koji imaju ispod 100 FIS bodova. Đukić je prekinuo ovu raspravu s obzirom da je završena rasprava po pitanju pisma. Dojčinović je rekla da je neophodno da se donese neki zaključak kako bi se rješio trenutni problem opremanja reprezentativaca, odlaska na takmičenja. Dojčinović smatra da se treba pokušati ponovo dogovoriti oko kriterija u narednih 7 dana. Đukić je naglasio da i član komisije Zoran Škipina ne tumači kriterije kao što to tumači Dragan i svi članovi Upravnog odbora. Milovan Jevtović smatra da na takmičenja treba da idu najbolji a da na pripreme treba da idu i perspektivni mladi takmičari. Dojčinović je pitala da li koordinator Jažić ima nešto da kaže po ovom pitanju, na što je Jažić odgovorio da nema ništa. Ismar Biogradlić se ne slaže sa Jažićem što nema ništa da kaže i nije u redu da kao koordinator dopusti da se komunikacija odvija bez njega. Ismar je Dragana rekao da ne bi trebao biti tako isključiv već da je neophodno da nešto uradi ili da argumentovano kontrira ili da neki konstruktivni prijedlog kako rješiti situaciju u kojoj se nalazimo. Jevtović je rekao da nije problem ali nikada nije decidno odbijen kriterij i niko nikada nije dao drugi prijedlog. Nakon duže rasprave Đukić je dao prijedlog da komisija u narednih 15 dana dostavi nove kriterije za reprezentaciju a ukoliko ne dostave UO će na idućoj sjednici usvojiti kriterije. Jevtović je rekao što se njega tiče da ih neće dostaviti na što je Đukić rekao da on nije sam komisija. Jevtović se ispravio, nakon čega je usvojen prijedlog Đukića. Jevtović je zatim ponovio pitanje kako dalje. Jednoglasno je usvojeno da Komisija pošalje prijedlog da u skladu sa finansijskim sredstvima predloži za koliko se takmičara može nabaviti oprema, prioritet treba da bude po bodovima.

Ad. 4.

Dojčinović je izvjestila UO o realizovanim zaključcima sa prethodnih sjednica: uplaćene kotizacije za programe u alpskom skijanju, Ismar Biogradlić podnio ostavku na mjesto člana UO te je održana prva sjednica Snowboard komisije u novom sastavu, dostavljen plan za razvoj mladih u biatlonu, ski trčanje još uvijek ostalo nerješeno.

Ad.5.

Dojčinović dala uvodnu riječ da se izvještaj odnosi na period 15.06.2017. do 25.10.2017. godine te da nisu obrađeni svi putni troškovi i nalozi s obzirom da se takmičari nalaze na pripremama. Naglasila je da imamo povećane prihode i to od IBU s obzirom da su imali višak prihoda na osnovu TV prava sa velikih takmičenja, dok će ostala sredstva od IBU pristizati nakon učešća na takmičenjima. Zatim je Dojčinović kratko prošla kroz rashode kancelarije i sportova te zaključila da je pozitivno finansijsko poslovanje.

Zdravko Lasica je zamolio da se kod rashoda biatlona, razvoj i Juniorska reprezentacija (EYOF) nalaze u jednoj koloni, da bude zajedno prikazani i da to ide od prihoda na ime razvojna podrška. Dojčinović rekla da to nije nikakav problem te da će korigovati u skladu sa predloženim izmjenama izvještaj.

Lasica je predložio da se od viška sredstava koja su pristigla od IBU 10% izdvoji za kancelariju Saveza a da se od ostatka nabavi novi kombi odnosno zamjeni stari za novim. Naglasio je da se sredstva od razvoja troše na razvoj biatlona što je i usvojeno na tematskoj sjednici.

Dojčinović je rekla i da se na sjednici Predsjedništva razgovaralo o istom prijedlogu a to je nabavka novog kombi vozila.

Jednoglasno je usvojeno da Dojčinović pripremi ponude za narednu sjednicu UO i da se što prije krene u realizaciju nabavke novog vozila.

Hasečić je iskoristio priliku da pohvali trenutno finansijsko stanje i zaključio da se UO domaćinski ponaša prema Savezu i da smo jedan od rijetkih saveza možda čak i jedini koji nema dugovanja a da pri tome kancelarija radi dobro, da se krenulo i u razvoj mladih biatlonaca i da je potrebno nastaviti sa tim trendom.

Ismar Biogradlić je podržao nabavku kombi vozila ali smatra da nije isplativo da se ide u nabavku trećeg kombi vozila već da se zamjeni stari kombi. Zatim je posebno naglasio da je sad vrlo jasno da Savez od FIS ne dobiva 90% sredstava na osnovu učešća na svjetskim prvenstvima u alpskom skijanju i ski trčanju što je imalo velike posljedice za finansiranje snowboarda već da finansijska sredstva zavise od organizacije takmičenja, aktivnih takmičara. Naglasio je da i dalje u snowboardu ima itekako manji broj takmičara što nije sporno ali i da se Savez bavi reprezentacijama i da snowboard organizuje Evropa kup takmičenje što po FIS ljestvici nosi više poena nego ostala FIS takmičenja pa iz tog razloga moli UO da se to ima u vidu pri narednim raspodjelama sredstava.

Nakon kraćih izlaganja jednoglasno je usvojen finansijski izvještaj sa izmjenama koje je predložio Lasica Zdravko.

Ad. 6.

Alpsko skijanje:

Dočinović je dala uvodnu riječ s obzirom da je koordinator Alpske komisije Jasmin Mehić odsutan. Dojčinović je kratko upoznala UO da je komisija usvojila izvještaj Almira Bužo a da je izvještaj Nedžada Mirojević vraćen na doradu s obzirom da nije bilo izvještaja o tetsiranjima, kondicionim treninzima, razlozima zašto Laikert i Emrić nisu bili na prvi pripremama. Mirojević je dostavio dopunu izvještaja što se i nalazi u materijalima za ovu sjednicu.

Kada je u pitanju plan za naredni mjesec Juniori nastavljaju sa pripremama na glečeru u Austriji, dok A i B reprezentacija sredinom Novembra putuje za Norvešku gdje će odraditi nekoliko dana treninga a zatim nastupiti i na prvim takmičenjima. Veoma je bitno naglasiti da će takmičari za turneju u Norveškoj učestvovati u finansiranju kako se ne bi probijao predviđeni budžet za alpsko skijanje odnosno za A i B reprezentaciju. Alpska komisija je također na svojoj sjednici raspravljala i o kriterijima za odlazak na olimpijske igre što je posebna tačka ove sjednice UO gdje će biti više govora o istom.

Hasečić je rekao da određeni antagonizam koji je bio prisutan u A i B reprezentaciji i dalje postoji, te je kritikovao zašto nisu odrađena retestiranja te naglasio da trener to mora koordinirati

a ne da navede samo u izvještaju da je rekao takmičarima da se jave Dojčinović. Trener je odgovoran i ne može prepuštati slučaju takmičarima da li će nešto uraditi ili ne. To je pokazatelj da je atmosfera i dalje nezadovoljavajuća. Naglasio je ponovo problem Emrića. Dojčinović je rekla da je odgovor advokatu na pismeno očitovanje Emane Emrić dostavljen i da nakon toga nije bilo komunikacije sa navedenim takmičarem. Isti takmičar se nije odazivao na pozive trenera Mirojević za prve pripreme. Hasečić je naglasio na kraju da nije zadovoljan stanjem u reprezentaciji i da jednostavno trener mora na tome više raditi. Lasica se složio sa Hasečićem i on s obzirom da je dosta radikalniji smatra da treba presijeći neke stvari pa ili nećemo imati takmičare ili nećemo imati trenera. Trener ima platu od 1.800 KM a ne može da riješi odnose u reprezentaciji ali se dopisujemo sa advokatom. Za Lasicu je to neprihvatljivo. Hasečić je predložio da Mirojević dostavi izvještaj o stanju u reprezentaciji i načinu rada. Neophodno je da se vidi da li je trener zadovoljan jer je on odgovoran za istu. Laikert je također podržao prijedlog jer je isključivo trener odgovoran za situaciju u reprezentaciji.

Jednoglasno je usvojeno da trener Mirojević dostavi izvještaj o stanju i načinu rada u reprezentaciji.

Ski trčanje:

Zdravko Lasica je nakon pregleda izvještaja rekao da se na dokumentima koje donosi komisija moraju biti nabrojani članovi komisije zajedno sa potpisima. Kada je u pitanju sam izvještaj on je vrlo dobar kao što je i do sada uvijek bio slučaj.

Dragan Jeftović je rekao da je greškom zaboravio navesti članove komisije ali da nije realno da na dokumentima imamo potpise svih članova iz tehničkih razloga, sa čim su se i ostali složili. Nije više bilo rasprava po izvještaju komisije za Ski trčanje.

Jednoglasno usvojen izvještaj.

Snowboard:

Dojčinović je dala uvodnu riječ upoznavši prisutne da nije prisustvovala sjednici komisije jer je boravila u Ziruču te da također koordinator Ismar Biogradić nije prisustvovao, što je svjesno uardio jer je želio da vidi kako će se odvijati sve bez njegovog prisustva iako ima pravo kao koordinator da prisustvuje. Dojčinović je rekla da raspodjela budžeta nije napravljena kvalitetno ali da je to jednoglasan stav komisije. Ismar Biogradić je potvrdio da nije svjesno prisustvovao sjednici niti je inicirao sastanak i da je tek nakon tri mjeseca održana sjednica. I to se desilo na inicijativu Dojčinović. Također je rekao da se ne slaže sa raspodjelom budžeta koja je očigledno donijeta jednoglasno, ali vrlo moguće iz razloga jer je jedan od članova komisije prezentovao da se sve odluke moraju donijeti konsenzusom što nije tačno. Ismar je zatim rekao da je preslušao snimku sjednice gdje gospodin Cicović govori da UO ne podržava EYOF što također nije tačno i da su sve to razlozi zbog kojih je neophodno da sjednicama komisije prisustvuje ili on kao koordinator ili Dojčinović kako bi se izbjegle ovakve stvari i kako bi bila valjana koordinacija između UO i komisije. Naglasio je da raspodjela budžeta nije dobra što je Dojčinović i naspisala komisiji jer je odnos finansiranja po disciplinama nerealan s obzirom na broj i status takmičara u freestyle i snowboard cross disciplinama. Ismar je naglasio da je ovakvim odlukama doprinjeo i loš pravilnik na kojem će se u budućnosti raditi zbog sljedećih generacija. Novca ima koliko ima i to zasigurno neće biti dovoljno za sezonu, ali tako je.

Zdravko Lasica je rekao da mu nije jasan dio zapisnika gdje Nemanja govori da se 4.000 KM od EYOF-a prebaci Stefanu Lazarević a da će se on odreći organizacije takmičenja koje njemu pripada u korist prebacivanja sredstava. Također je dao kritiku da nema pregleda ko je A ko je B reprezentacija, gdje je u svemu tome Lazarević.

Laikert je rekao da navodi vezani za EYOF nisu tačni i da to nije korektno.

Nakon kraće rasprave Dojčinović je ponovila da nije realno raspoređen budžet sa obzirom na broj reprezentativaca po disciplinama. Đukić je rekao da smatra da je malo određeno za organizaciju takmičenja te predložio da s obzirom da u snowboard cross disciplini imamo samo

jednog takmičara treba smanjiti budžet za 2.000 KM a prebaciti po hiljadu na dva takmičenja. Prijedlog je jednoglasno usvojen.

Biatlon:

Dojčinović je rekla da se izvještaj odnosi samo na mladu reprezentaciju i da nije dostavljen izvještaj A reprezentacije. Lasica je pitao zašto su im odobravana nova sredstva ako nije dostavljen izvještaj. Dojčinović je rekla da su sve akontacije pravdane ali da nije dostavljen izvještaj u ovoj formi. Lasica nije za to i rekao je da ne želi da priča o biatlonu. Zaključeno je da komisija mora dostaviti izvještaj što je prije moguće. Đukić je rekao da trebamo raspraviti o izvještaju koji je dostavljen a da se što prije dostavi izvještaj o pripremnom periodu za A reprezentaciju na što je skrenuta pažnja i Milovanu Jevtović koji je zatim rekao da je tu problem jer je A reprezentacija pod ingerencijom Tomislava Lopatić. Đukić je rekao da s obzirom da komisije dostavljaju i planove i programe oni su dužni da dostave i izvještaje. Lasica je rekao da je Lopatić trener reprezentacije i pod ingerencijom komisije, a zatim komisija pod ingerencijom Upravnog odbora. Jevtović je rekao da Mumović Goran, predsjednik komisije uglavnom radi sam a da se zapostavi i on kao i Borovčanin. Miro Đukić je rekao da Jevtović Milovan treba napisмено da dostavi da se ne poziva na sjednice komisije čiji je član.

Zatim je Đukić dao na usvajanje izvještaj za mlade. Jednoglasno je usvojen izvještaj.

Ad. 7.

Dojčinović je na početku rasprave o kriterijima za odlazak na olimpijske igre naglasila da je rok za dostavljanje konačnih lista u Olimpijski komitet BiH 15.12.2017. godine. Zatim je objasnila trenutnu situaciju kada je u pitanju alpsko skijanje i to da imamo pravo učešća jedna djevojka i jedan muškarac, a da trenutno imamo sa A normom jednu djevojku i tri muškarca, i to jedan takmičar ima normu u tri discipline dok drugi ima u jednoj ali ima najbolje FIS bodove. Nadalje je pročitala stav iz zapisnika sa sjednice alpske komisije: „Na kraju rasprave jednoglasni stav alpske komisije je da na olimpijske igre treba da ide takmičar sa najboljim bodovima u bilo kojoj disciplini s tim što treba uvažiti i mišljenje trenera koji će u određenom trenutku potvrditi ko od takmičara ima najbolju formu. Mišljenje trenera se može razlikovati od alpske komisije s obzirom da članovi alpske komisije ne borav ena pripremama i takmičenjima sa takmičarima. Mišljenje trenera treba da bude na osnovu parametara: nastupi na takmičenjima, broju startova i rezultatima“. Nadalje je Dojčinović objasnila da se mišljenje trenera odnosi na trenutnu formu i rezultate iz ove godine. Dojčinović je također pročitala stav člana UO Jasmina Mehić s obzirom da nije bio u mogućnosti da prisustvuje sjednici UO: „Kao prvo mislim da se trebamo pridržavati trenutno važećeg pravilnika. Ako pravilnik nije ok trebamo raditi na doradama. Ako sam dobro shvatio pravilnik kaže da ide takmičar sa najboljim bodovima. Alpska komisija: uvažiti mišljenje Alpske komisije kao tijela koje treba da donese ovakve vrste odluka. Trener: mišljenje trenera treba da uvaži AK, ne UO. Ali svakako da trener treba da dostavi svoje mišljenje AK, uz obrazloženje: koji takmičar je najviše radio, koji je u najboljoj formi, oji ima najveću mogućnost rezultata. UO: ukoliko su gore navedeni koraci jasni i konzistentni mislim da UO samo treba da potvrdi odluku, ukoliko je odluka nejasna, nepotpuna ili konforntirajuća UO donosi odluku. Nadam se da je moje mišljenje pomoglo. Ako se od mene lično traži stav o konkretnom takmičaru (što je mislim nebitno ako je gore sve jasno), ja sam za to da ide takmičar: koji ima najbolje bodove, najveći potencijal za razvoj, i najveći potencijal da napravi rezultat“. Laikert je objasnio da Igor ima A normu u tri discipline i B u dvije dok Šljivić i Lokmić imaju A normu u jednoj disciplini i B u jednoj disciplini i da nije u redu gledati samo najbolje bodove u jednoj od disciplina. Nakon iznešenih stavova Dojčinović je objasnila da u pravilniku nemamo posebno definisan član kada su u pitanju odlasci na velika takmičenja ali imamo član koji se odnosi na izbor u reprezentaciju koji glasi: “Izbor članova reprezentacije se vrši na osnovu kriterija FIS bodova u bilo kojoj disciplini i na osnovu rezultata izbornih takmičenja i štoping treninga”.

Hasečić je rekao da do sada nismo imali ovaj problem da imamo više takmičara sa A normom nego što imamo pravo učešća te da ostaje dilema između takmičara koji ima bolje bodove u u jednoj disciplini ili takmičara koji je svestraniji i ima normu u više disciplina. Treba da se odluči između pojavljivanja na olimpijskim igrama u samo jednoj disciplini ili više pojavljivanja na startu. Biogradlić je rekao i to ponavlja već zadnjih nekoliko godina da nama treba jedan dobar proizvod tj. da nam treba jedan dobar nastup a ne četiri prosječna nastupa. On bi odmah podržao da ide takmičar koji ima najbolje bodove ako idemo na rezultat i to onaj koji će zaista odjeknuti što sumnja da je slučaj kada je nastup na olimpijskim igrama. Hasečić je još jednom naglasio da je ovo ozbiljna stvar i da je potrebno da se usaglasimo. Lasica je pitao kakva je situacija po bodovima da li je velika razlika u bodovima ili je to u blizu. Dojčinović je zatim pročitala trenutnu bodovnu situaciju naših takmičara. Lokmić u spustu nema bodova dok Laikert ima 72.95, slalom Lokmić 18.88, Laikert 26.18, VSL, Igor 45.09, Lokmić 37.14 i Super G Laikert 61.00, Lokmić 83,00, Alpska kombinacija Laikert 70,00 i Lokmić 87.00. Hasečić je zatim rekao da se može desiti da i neki drugi takmičar može napraviti normu i u spustu i da se uopšte ne mora raditi o navedenim takmičarima. Biogradlić je zatim ponovo naglasio da bi se on vodio pravilnikom, dok je Hasečić rekao da u pravilniku piše najbolji bodovi u bilo kojoj disciplini, i da se to ne mora tumačiti u tačno određenoj disciplini, jer npr. Lokmić nema uopšte bodova u spustu dok Laikert ima 72.00. Laikert je za to da se odrede kriteriji i ko bude najbolji po istim taj treba da ide. Nakon kraće rasprave Laikert je predložio da kriterij treba da bude broj ostvarenih A normu, tj. ko bude imao više normi taj takmičar će ići na olimpijske igre i to 12-12-2017. godine odnosno do FIS liste koja izlazi 05.12.2017.godine. Isti prijedlog je podržao Hasečić jer smatra da je to sportski. Nakon što je Lasica rekao da samo BiH prepoznaje rok 05.12.2017. godine i niti jedan drugi jer je tačno navedeno da je kvalifikacioni proces do 20.01.2018. godine. Iz tog razloga Ismar Biogradlić je predložio da se pošalje Olimpijskom komitetu BiH dopis da nismo u mogućnosti dati konačna imena do 15.12.2017. godine već do roka kada je to propisano međunarodnim federacijama i to po cijenu ako mi trebamo da kupimo opremu i avio kartu. Jednostavno ne trebamo dozvoliti da nas na takav način stiskaju da nepravedno odlučimo jer smo mi najjači savez kada su u pitanju zimski sportovi. Đukić je zatim rekao da je potrebno bez obzira na rok odrediti kriterije. Usvojen je prijedlog da na olimpijske igre treba da ide takmičar koji ima ostvareno više A normi i to sa 5 glasova za, jednim suzdržanim Milovan Jevtović iz razloga što poštuje šta je rekla struka i da se on ne razumije puno u alpsko skijanje i jednim protiv Ismar Biogradlić koji smatra da se treba držati pravilnika na način kako ga on tumači. Đukić je rekao da je rok za ostvarivanje norme 13.12.2017. godine osim ako uspijemo dogovoriti duži rok sa olimpijskim komitetom, ali da će neovidno o roku važiti isti kriteriji. Zatim se raspravljalo o ski trčanju. Dojčinović je postavila pitanje šta se dešava u slučaju da Tanja Karišik ide na olimpijadu u biatlonu da li ćemo odlučiti da druga takmičarka najbolja po bodovima ide u ski trčanju, te šta se dešava ako Tanja Karišik ne ostvari normu u biatlonu da li ona ide u ski trčanju. Predsjedništvo je stava da je Tanja Karišik jedina takmičarka koja ima šansu da ide u biatlonu i ako to ostvari druga rezerva po bodovima treba da ide u ski trčanju. U slučaju da ne ide u abiatlonu onda treba da ide Tanja Karišik u ski trčanju ako bude imala najbolje bodove. Jednoglasno je usvojeno da ukoliko Tanja Karišik ostvari normu u biatlonu, druga djevojka ide u ski trčanju, a ako Tanja ne ostvari normu u biatlonu, onda ona treba da ide u ski trčanju pod uslovom da bude imala najbolje bodove. Na kraju ove tačke Ismar je još jednom naglasio da treba da se borimo sa olimpijskim komitetom i to oštro jer nije pravedno da nam stavljaju tako kratke rokove na one u odnosu međunarodnih federacija i to po cijenu da mi snosimo troškove opreme i avio karte. Svi su se jednoglasno složili sa ovim stavom.

Ad. 8.

Dojčinović je kratko obavjestila članove UO o takmičenjima koji su planirani za sezonu 2017/2018 te naglasila da u alpskom skijanju imamo više FIS trka i više domaćih takmičenja u odnosu na prošlu godinu pa su samim tim i sredstva manja u odnosu na prošlu godinu. Kada su u pitanju državna prvenstva tu je finansijska podrška veća jer je Savez dužan obezbjediti i medalje i pehare što bi sada dužnost bila tehničkih organizatora. Jednoglasno je usvojen kalendar za alpsko skijanje. Kod ski trčanja Dojčinović je kratko objasnila izmjene vezano za datume i Družno prvenstvo u biatlonu, te je potrebno ubaciti jedno ljetno takmičenje u ovaj kalendar. Đukić je predložio da se iz finansiranja takmičenja treba izbaciti takmičenje Prvenstvo RS koje treba da finansira Ski savez Republike Srpske. Također potrebno je donijeti odluku o tehničkom organizatoru za Državno prvenstvo jer su se prijavili i SK Romanija i SK Sarajevo-Istočno Sarajevo. SK Romanija smatra da oni trebaju biti organizatori s obzirom da posljednje dvije godine isto organizuje SK Sarajevo-Istočno Sarajevo. Lasica je rekao da nema potrebe da se odgađaju takmičenja koja treba da se organizuju za vrijeme održavanja olimpijskih igara s obzirom da samo dva takmičara neće biti prisutna. Jažić je rekao da treba promijeniti datume testnog takmičenja za EYOF, na što je Dojčinović rekla da je to lako poslije raditi i da UO ne interesuju datumi. Nakon kratkih obrazlaganja jednoglasno su usvojene izmjene kalendara takmičenja SK Romanije, zatim jednoglasno je usvojeno da se takmičenje Prvenstvo RS ne finansira od strane Saveza a da se umjesto tog takmičenja uvrsti održano ljetno takmičenje, te da je organizator državnog prvenstva SK Romanija. Kalendar takmičenja u snowboardu je već ranije usvojen prilikom podjele sredstava.

Ad. 9.

Cjenovnik Ski saveza BiH za sezonu 2017/2018. Dojčinović je rekla da je ostao isti kao i prethodne godine s tim što je potrebno razmotriti stavku registracije takmičara s obzirom da entitetski savezi ne uplaćuju ta sredstva Ski savezu BiH. Jednoglasno je usvojeno da se ta stavka briše, Đukić je predložio da stavka stoji, ali da piše 0,00 KM jer u Statutu stoji da smo mi nadležni za registraciju takmičara. Nadalje je Hasečić rekao da se izbacila stavka koja se odnosi na osiguranje takmičara. Jednoglasno je usvojen cjenovnik sa predloženim izmjenama.

Ad. 10.

Dojčinović nije imala ništa dodati na pisani izvještaj koji se odnosi na Zurich te je jednoglasno usvojen izvještaj.

Ad. 11.

Dojčinović je kratko informisala prisutne o FIS kongresu i rokovima prijave, te je tražila da se UO izjasni o prijedlozima ko treba da ide na Kongres. Jednoglasno je usvojeno da na Kongres kao i do sada treba da ide predsjedavajući i Generalni sekretar Saveza.

Ad. 12.

Đukić je rekao da je Predsjedništvo po pitanju dopisa od strane SK Ilidža a u vezi sa Predsjednikom Alpske komisije Edinom Durić imy sljedeći stav: kao prvo ovaj dopis se trebao uputiti Federalnom savezu a drugo s obzirom da je ovaj saziv na isteku mandata i da smo mi već u sezoni te se nemamo vremena baviti sa analizama u ovom smislu. Đukić i Hasečić su rekli da je Durić dobro radio i da sada nema potrebe da idemo u daljnju proceduru po ovom pitanju. Đukić je također rekao da jedan član alpske komisije treba da otputuje iz BiH na duži period te da pokušamo da prebrodimo ovaj period a da se član alpske komisije izjašnjava putem telefona ili e-maila. Jednoglasno je usvojen stav Predsjedništva.

Ad. 13.

- Dojčinović je rekla da nam je na stanju još uvijek ostalo odijela koja smo dobili donacijom od HH, ali da s obzirom još uvijek nemamo konačne spiskove registracija ova tačka treba da sačeka do decembra kada bi trebali imati narednu sjednicu UO. Jednoglasno prihvaćeno.
- Dojčinović je već upoznala predsjednika sa projektom Međunarodnog vetra za mir koji pod pokroviteljstvom UNESCO organizuje pohod na četiri olimpijske planine gdje će i EYOF biti partner te smatra da je ovo sjajna prilika i za Savez za promociju sporta i sportskih vrijednosti. Jednoglasno usvojeno da Ski savez BiH bude partner u projektu u sportskom segmentu.
- Hasečić je ponovo pokrenuo pitanje dodjele priznanja i nagrada ljudima koji su doprinjeli radu ovog Saveza te da je neophodno da se sjetimo istih za njihov doprinos. Dojčinović je rekla da je napravljen prijedlog pravilnika te da će isti dostaviti UO na pregled i razmatranje.
- Dojčinović je pitala ski trkače i biatlonce u vezi prezentacije firma ALPINA, jer ju je kontaktirao Senad Šišić koji poslovno sa njima surađuje te prenio njihovu zainteresovanost o prezentaciji njihovih proizvoda. Jednoglasno je usvojeno da se realizuje prezentacija.

Sjednica je završena u 20.10 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,
02.11.2017.

Zapisnik vodila
Jelena Dojčinović

Predsjednik
Miro Đukić